



Broj: 01-49-1091/20-4
Datum: 11.1.2021. godine

Na osnovu člana 70. Zakona o javnim nabavkama BiH („Službeni glasnik BiH“, broj 39/14), Pravilnika o postupku dodjele ugovora o uslugama iz Aneksa II dio B Zakona o javnim nabavkama („Službeni glasnik BiH“ broj 66/16), Zapisnika o pregledu i ocjeni ponuda broj: 01-49-1091/20-3, člana 39. Statuta Općine Travnik ("Službene novine Općine Travnik", broj 11/05 - Prečišćeni tekst), načelnik Općine Travnik, **donosi**

RJEŠENJE

o izboru najpovoljnijeg ponuđača u postupku dodjele ugovora iz Aneksa II dio B Zakona o javnim nabavkama BiH

- (1) Ugovor za javnu nabavku usluga: "Usluge fizičkog obezbjeđenja zgrade općine Travnik", dodjeljuje se ponuđaču Agencija za zaštitu ljudi i imovine „SECURITAS“ d.o.o. SARAJEVO sa ponudenom ukupnom cijenom ponude u iznosu od 22.492,08 KM sa uključenim PDV-om.
- (2) Izabrani ponuđač je dužan u roku od 5 (pet) dana od dana zaprimanja ovog Rješenja, na adresu Općine Travnik, Konatur bb 72270 Travnik, dostaviti originale ili ovjerene kopije dokaza traženih tenderskom dokumentacijom ne starije od 3 (tri) mjeseca od dana predaje ponude, u skladu sa Izjavom ponuđača, s tim da datum izdavanja dokumentata ne smije biti nakon datuma podnošenja ponude.
- (3) Za izvršenje ovog Rješenja i praćenje realizacije ugovora zadužuje se Služba za zajedničke i komunalne poslove.
- (4) Ovo Rješenje objavit će se na web-stranici Općine Travnik: www.opcinatravnik.com.ba shodno članu 70. stav 6. Zakona o javnim nabavkama i to istovremeno s upućivanjem Rješenja ponuđačima koji su učestvovali u postupku nabavke.

Obrazloženje

Ugovorni organ je pokrenuo postupak dodjele ugovora na čiju dodjelu se primjenjuje poseban režim u skladu s članom 8. Zakona o javnim nabavkama („Službeni glasnik BiH“ broj 39/14), te je u skladu sa Pravilnikom o postupku dodjele ugovora o uslugama iz Aneksa II dio B Zakona o javnim nabavkama („Službeni glasnik BiH“ broj 66/16), uputio pismeni poziv za dostavu ponuda za nabavku usluga "Usluge fizičkog obezbjeđenja zgrade općine Travnik". Procijenjena vrijednost nabavka iznosi 24.000,00 KM bez PDV-a, kriterij za dodjelu ugovora je "najniža cijena".

U skladu sa članom 7. stav (3) i (4) Pravilnika o postupku dodjele ugovora o uslugama iz Aneksa II dio B Zakona o javnim nabavkama BiH ("Službeni glasnik BiH" broj 66/16) ugovorni organ je objavio poziv za dostavu ponuda na svojoj web stranici www.opcinatravnik.com.ba dana 23.12.2020. godine, te isti poziv uputio na tri adrese.

Komisija za javnu nabavku imenovana je Rješenjem broj: 01-34-16-1112/20 od 28.12.2020. godine. Komisija je shodno članu 63. Zakona o javnim nabavkama („Službeni glasnik BiH“ broj 39/14) izvršila javno otvaranje u roku dostavljenih ponuda. Javnom otvaranju ponuda je prisustvovao ovlaštenih predstavnik ponuđača „SECURITAS“ d.o.o. SARAJEVO. Zapisnik o otvaranju ponuda ponuđačima je prosljeđen u zakonskom roku.

Komisija je izvršila analizu dokumentacije priložene uz ponude u smislu propisane forme, suštinske provjere sadržaja i njihove validnosti obzirom na iskazane zahtjeve ugovornog organa u tenderskoj dokumentaciji - pozivu evidencijski broj: 01-49-1091/20, odnosno izvršila ocjenu ponuda u skladu s procedurama i pravilima utvrđenim tenderskom dokumentacijom, Zakonom o javnim nabavkama,

OB 001

Strana 1 od 2

pripadajućim podzakonskim aktima i internim aktima ugovornog organa, o čemu je sačinila odgovarajući zapisnik u kojem je utvrđeno sljedeće:

- Da su ukupno prispjele 3 (tri) ponude;
- Da su blagovremeno zaprimljene 3 (tri) ponude,
- Da su ponude ponuđača Agencija za zaštitu ljudi i imovine „SWORD SECURITY“ D.O.O. SARAJEVO i Agencija za zaštitu ljudi i imovine „SECURITAS“ D.O.O. SARAJEVO prihvatljive.
- Da je ponuda ponuđača „BH SIGURNOST“ D.O.O. TUZLA neprihvatljiva iz sljedećih razloga:
 - na strani 6 svoje ponude ponuđač je dostavio Izjavu iz člana 45. Zakona o javnim nabavkama koja ne ispunjava zahtjeve iz tačke 6. Poziva, kojom se između ostalog propisuje: *“U svrhu dokazivanja uslova iz tački a) do d) ponuđač je dužan dostaviti popunjenu i ovjerenu kod nadležnog organa (notar ili opština) izjavu koja je sastavni dio poziva”*
 - Uvidom u navedenu izjavu Komisija je utvrdila da ista ne sadrži ovjeru potpisa kod nadležnog organa kako je to zatijevano tačkom 6. Poziva. Imajući u vidu da su obrasci izjava (Izjava o ispunjenosti uslova iz člana 45. Zakona o javnim nabavkama i Izjava iz člana 52. Zakona o javnim nabavkama) sastavni dio Uputstva za pripremu modela tenderske dokumentacije i ponuda (“Službeni glasnik BiH” broj:90/14 i 20/15) te je istim Uputstvom propisan izgled izjava kao i njihovi obavezni sastavni elementi, te obzirom da ista ne sadrži potpis i pečat nadležnog organa za ovjeru potpisa (notar ili općina/grad), ponuda ponuđača „BH SIGURNOST“ D.O.O. TUZLA se odbacuje kao neprihvatljiva u skladu sa članom 68. stav(4) tačka i) Zakona o javnim nabavkama, te nije bila predmet dalje analize i ocjene.

Nakon pregleda i analize dostavljenih ponuda, Komisija za javne nabavke je konstatovala da je priložena sva tražena dokumentacija, te je dana 8.1.2021. godine općinskom načelniku dostavila Zapisnik o radu Komisije i ocjeni ponuda koji je ujedno i Izveštaj o radu Komisije broj: 01-49-1091/20-3 sa preporukom da se predmetna javna nabavka okonča dodjelom ugovora.

Tokom donošenja ovog rješenja posebno su cijenjene činjenice da je Komisija pravilno i potpuno izvršila ocjenu kvalificiranosti ponuđača, računsku kontrolu ponuđenih cijena, te ocjenu prispjelih ponuda shodno kriterijima iz Tenderske dokumentacije.

U postupku ocjene provedenog postupka načelnik Općine nije našao nepravilnosti ili propuste u radu, koji bi eventualno bili razlog za neprihvatanje preporuke Komisije za javne nabavke.

Ugovorni organ će dostaviti prijedlog ugovora onom ponuđaču čija je ponuda na rang listi odmah nakon ponude najuspješnijeg ponuđača u slučaju da je ispunjen neki od uslova iz člana 72. stav (3) Zakona o javnim nabavkama.

POUKA O PRAVNOM LIJEKU:

Protiv ovog Rješenja može se izjaviti žalba u roku od 10 dana od dana objave dobrovoljnog ex ante obavještenja o transparentnosti, ako je obavještenje objavljeno, odnosno 30 (trideset) dana od dana objave obavještenja o dodjeli ugovora, ukoliko dobrovoljno ex ante obavještenje o transparentnosti nije objavljeno.

Žalba se izjavljuje ugovornom organu u pisanoj formi direktno, elektronskim putem ili preporučenom poštanskom pošiljkom. Žalba se podnosi u dovoljnom broju primjeraka koji ne može biti manji od tri.

DOSTAVITI:

1. Ponuđaču x 1
2. Arhiva.

N A Č E L N I K
Admir Hadžiemrić, dipl. ecc.





**BOSNA I HERCEGOVINA
FEDERACIJA BOSNE I HERCEGOVINE
SREDNJEBOŠANSKI KANTON/KANTON SREDIŠNJA BOSNA
OPĆINA TRAVNIK
NAČELNIK**

Broj: 01-23-9-1065/20-4
Datum: 11.1.2021. godine

Na osnovu člana 64. stav 1. tačka b), člana 70. stav 1., 3. i 6. Zakona o javnim nabavkama BiH („Službeni glasnik BiH“, broj 39/14), člana 39. Statuta Općine Travnik ("Službene novine Općine Travnik", broj 11/05 - Prečišćeni tekst), a u vezi s preporukom Komisije za javne nabavke broj: 01-23-9-1065/20- 3 od 11.1.2021. godine, načelnik Općine Travnik, **donosi**

RJEŠENJE
o izboru najpovoljnijeg ponuđača

- (1) Najpovoljnija ponuda za javnu nabavku radova: „Izvođenje radova na uređenju groblja Gradac, MZ Nova Bila“, bez podjele na lotove, je ponuda ponuđača „Građevinar“ d.o.o. Novi Travnik sa ponudjenom cijenom u iznosu od 25.637,67 KM bez uračunatog PDV-a.
- (2) Za izvršenje ovog Rješenja i praćenje realizacije ugovora zadužuje se Služba za obnovu, izbjeglice, raseljena lica i stambene poslove
- (3) Ovo Rješenje objavit će se na web-stranici Općine Travnik, istovremeno sa upućivanjem ponuđačima koji su učestvovali u postupku javne nabavke, shodno članu 70. stav 6. Zakona o javnim nabavkama.
- (4) Ovo Rješenje stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav 2. Zakona o javnim nabavkama.
- (5) Ugovorni organ dostaviće na potpis izabranom ponuđaču iz tačke (1) ovog Rješenja, prijedlog ugovora i to roku od petnaest (15) dana, računajući od dana kada su svi ponuđači obaviješteni o izboru najpovoljnijeg ponuđača (osim u slučaju da rješenje nije postalo konačno zbog uložene žalbe ili je poništeno povodom uložene žalbe) u skladu sa članom 98. stav (1) Zakona o javnim nabavkama.

Obrazloženje

Postupak javne nabavke radova: „Izvođenje radova na uređenju groblja Gradac, MZ Nova Bila“, bez podjele na lotove je pokrenut je Rješenjem o ponovnom pokretanju postupka javne nabavke broj: 01-23-9-1065/20 od 15.12.2020. godine. Javna nabavka provedena je putem otvorenog postupka. Procijenjena vrijednost javne nabavke bez uračunatog PDV-a iznosi 25.641,00 KM.

Na osnovu obavještenja o nabavci 54-1-3-137-3-103/20, tenderske dokumentacije 01-23-9-1065/20, koji su dana 16.12.2020. godine istovremeno objavljeni u informacionom sistemu "E-nabavke" (Portal javnih nabavki), proveden je postupak prikupljana ponuda za nabavku radova na uređenju groblja Gradac, MZ Nova Bila. Rok za dostavljanje ponuda u skladu sa tenderskom dokumentacijom bio je 8.1.2021. godine.

Komisija za javnu nabavku imenovana je Rješenjem broj: 01-34-16-1112/20 od 28.12.2020. godine, te je shodno Članu 63. Zakona o javnim nabavkama BiH u sjedištu ugovornog organa, izvršila javno otvaranje u roku dostavljenih ponuda. Javnom otvaranju nisu prisustvovali ovlašteni predstavnici ponuđača. Zapisnik o otvaranju ponuda ponuđačima je prosljeđen u zakonskom roku.

Komisija je izvršila analizu dokumentacije priložene uz ponude u smislu propisane forme, suštinske provjere sadržaja i njihove validnosti obzirom na iskazane zahtjeve ugovornog organa u tenderskoj dokumentaciji, odnosno izvršila ocjenu ponuda u skladu s procedurama i pravilima utvrđenim tenderskom dokumentacijom, Zakonom o javnim nabavkama BiH, pripadajućim podzakonskim aktima i internim aktima ugovornog organa, o čemu je sačinila odgovarajući zapisnik u kojem je utvrđeno sljedeće:

- Da je ukupno prispjela 1 (jedna) ponude;
- Da je blagovremeno zaprimljena 1 (jedna) ponude,
- Da je ponude ponuđača: „GRAĐEVINAR“ d.o.o. Novi Travnik prihvatljiva.

Ugovorni organ je u tenderskoj dokumentaciji i Obavještenju o nabavci predvidio primjenu e-aukcije, u skladu sa članom 4. stav (2) Pravilnika, E – aukcija nije održana jer je primljena samo jedna prihvatljiva ponuda a u skladu sa Članom 3. stav (3) Pravilnika o uslovima i načinu korištenja e-aukcije („Službeni glasnik BiH“, broj 66/16) propisano je da, u slučaju prijema jedne prihvatljive ponude, e-aukcija se ne može održati, već se postupak nabavke okončava u skladu sa članom 69. Zakona.

Komisija za javne nabavke Općine Travnik dostavila je dana 11.1.2021. godine općinskom načelniku Zapisnik o radu Komisije i ocjeni ponuda koji je ujedno i izvještaj o radu Komisije broj: 01-23-9-1065/20-3, sa preporukom o izboru najpovoljnijeg ponuđača za predmetnu javnu nabavku. U istom je navedeno da je pregledana i analizirana dokumentacija priložena uz ponudu ponuđača u smislu provjere njene validnosti, obzirom na iskazane kvalifikacione zahtjeve ugovornog organa u tenderskoj dokumentaciji otvorenog postupka nabavke.

Shodno navedenom Komisija je prema utvrđenom kriteriju „najniža cijena“ preporučila općinskom načelniku da se u predmetu javne nabavke radova: „Izvođenje radova na uređenju groblja Gradac, MZ Nova Bila“ donese Rješenje o izboru najpovoljnijeg ponuđača i da se kao najbolje ocijenjena prihvatljiva ponuda za nabavku radova određuje ponuda ponuđača „Građevinar“ d.o.o. Novi Travnik, te da se u skladu sa članom 69. stav (1) alineja pod a) i članom 70. stav (1) Zakona o javnim nabavkama BiH postupak javne nabavke okonča zaključivanjem ugovora sa najpovoljnijim kvalifikovanim ponuđačem.

Tokom donošenja ovog rješenja posebno su cijenjene činjenice da je Komisija pravilno i potpuno izvršila ocjenu kvalificiranosti ponuđača, računsku kontrolu ponuđenih cijena, te ocjenu prispjelih ponuda shodno kriterijima iz Tenderske dokumentacije.

U postupku ocjene provedenog postupka načelnik Općine nije našao nepravilnosti ili propuste u radu, koji bi eventualno, bili razlog za neprihvatanje preporuke Komisije za javne nabavke. Naime, utvrđeno je da je izbor najpovoljnijeg ponuđača izvršen u skladu sa Zakonom o javnim nabavkama i Tenderskom dokumentacijom.

POUKA O PRAVNOM LIJEKU:

Svaki ponuđač koji ima opravdan interes za ugovor o javnoj nabavci i smatra da je ugovorni organ u toku postupka javne nabavke izvršio povrede Zakona i/ili podzakonskih akata, može ugovornom organu izjaviti žalbu u pisanoj formi u skladu s članom 101. stav (1) tačka d) Zakona o javnim nabavkama u roku od deset (10) dana od prijema ovog Rješenja, odnosno pismenog obavještenja o izboru najpovoljnijeg ponuđača, na adresu: Općina Travnik, ul. Konatur bb, 72270 Travnik. Žalba se podnosi u dovoljnom broju primjeraka, koji ne može biti manji od tri.

DOSTAVITI:

1. Ponuđačima
2. Arhiva.

